

Dåkkå varresvuodadievnastusán

Dujna l riektá ietjat gielav ságastit gá iejvvi varresvuodadievnastusá barggijt. Dujna l riektá dåkkåj vájku bæjvålattjat dárusta.

Gænna l riektá dåkkåj?

Jus i dádjada dav mij javladuvvá ja i máhte subtsastit majt dárba, de la dujna riektá dåkkåj ietjat giellaj. Dujna l riektá dåkkåj juska dárogielav ságasta bæjvålattjat.

Gut rávvi dålkáv

Varresvuodadievnastusá ávdåsvásstádus la rávvit tjiehpes dålkáv.

Ihkap la gássjel diehtet jus la dárbbu dålkås. Varresvuodabargge ienemusát ietja árvustalli jus la dárbbu dålkås. Dån aj iesj máhtá diededit jus la dárbbu dålkås, buojkulvis gá diŋgu tijmav. Dån aj máhtá riŋgut varresvuodadievnastussaj ja rávvit dålkáv ietjat giellaj.

Buorre alternatijvva l muhttijn jus dåkkå l dannák sjerma- jali telefåvnå baktu.

Dåkkåláhka javllá: almulasj orgánajn la vælggogisvuohta áttjudit tjiehpes dålkåjt.

Gut máhtta dålkkut

Dålkån galggá formålalasj máhtudahka.

Máná e galga liehket dålkån. Ietjá lagámusá jali nágin gænna ij la dåkkåmáhtudahka e ga biejaduvvat galga tjiehpes dålkå sadjáj.

Majt viertti iesj gæhttjalit gá dárba dålkáv?

Ájnas la subtsastit varresvuodadievnastussaj jur makkár gielav ságasta.

Gå la rávvim dålkáv ságastallamij, de la ájnas boahdet dan mierredum ájggáj. Jus i máhte boahdet mierredum ájggáj, de viertti buodáv vaddet 24 tijma ávddåla. Jus i, de huoman hæhttu mákset. Dav la sierraláhkáj ájnas mujttet gá dålkáv la rávvim.

Mij la dåkkå ja mij la dålkå barggo?

Dålkån la vælggogisvuohta ja ij galga giehttot iehtjádijda dav mij javladuvvá dålkkumis.

Dålkkå galggá jur jårggálit dav mij javladuvvá, ij vaddet rádiht jali buktet ietjas vuojnojt. Dålkkå galggá liehket bieledibme ja ij bælosttit avtak.

Pasiænntan dán gullu varresvuodabarggijda. Divna gatjålvisá galggi danen varresvuodabarggijda, e dålkkåj.

Gut máksá dålkåv?

Dån gut la varresvuoda pasiænnta i dárba mákset dålkåv. Ietján jus galga bådnedåktårij ja iesj viertti mákset dálkudimes. De viertti aj dålkåv mákset.

Dån máhtá gujddit

Jus i dålkåv oattjo, juska iesj miejnni dárba l, de máhtá gujddit dan institusjåvnnåj gånna la pasiænnta. Dån aj máhtá gujddit stáhtaháldadussaj ietjat fylkan, Pasient- og brukerombudet jali Likestillings- og diskrimineringsombudet.

Jus illa dudålasj dålkåjn, de máhtá gujddit dan institusjåvnnåj gånna la pasiænnta.

[Dålkkå dunji gut la varresvuoda pasiænnta \(helsedirektoratet.no\)](https://www.helsedirektoratet.no)

Referánsa

Dålkkåláhka 2021. Lov om offentlige organers ansvar for bruk av tolk mv. av 2021-06-11 nr 79.

Sisadno l Varresvuoda Direktoráhtas/Helsedirektoratet

Manemus ádstuhtám: 28.10.2022